

ORDENANZA REGULADORA DA TAXA POR POSTOS, BARRACAS, CASSETAS DE VENDA, ESPECTÁCULOS OU ATRACCIÓNS SITUADAS EN TERREOS DE USO PUBLICO, E INDUSTRIAS CALLEXEIRAS E AMBULANTES.

Artigo 1.- Concepto.

De conformidade co previsto no artigo 58, en relación co artigo 20.3. letra n, ámbolos dous da Lei 39/1988, de 28 de decembro, reguladora das facendas locais, este concello establece a taxa por utilización privativa ou aproveitamento especial por instalación de postos, barracas, casetas de venda, espectáculos, atraccións o recreo, situadas en terreos de uso público local, así coma industrias callexeiras e ambulantes e rodaxe cinematográfico.

Artigo 2.- Suxeitos pasivos.

Están obrigados ó pago da taxa reguladora nesta Ordenanza as persoas ou entidades as que se lles outorguen as licencias o seu favor, ou quen se beneficie do aproveitamento, se se procedeu sen a oportuna autorización.

Artigo 3.- Contía.

1.- A contía da taxa regulada nesta Ordenanza será a que figura na seguinte tarifa:

| EPÍGRAFE | EUROS | |
|---|----------|------------|
| | DIARIO | ANUAL |
| 1.-Licencias para a ocupación de terreos destinados a tómbolas, rifas, vendas rápidas e similares. Por cada m ² ou fracción..... | 0,601012 | 60,101210 |
| 2.-Licencias para ocupación de terreos destinados á instalación de restaurantes, bares, pulpeirías, bodegóns e similares. Por cada m ² ou fracción | 0,480809 | 120,202420 |
| 3.-Licencias para a ocupación de terreos con camións ou vehículos para a venda de bocadillos, hamburguesas, chocolates, refrescos, bebidas, froitas, etc. Por cada m ² ou fracción | 0,480809 | 120,202420 |
| 4.-Licencias para a ocupación de terreos destinados á instalación de postos para a venda de turróns, rosquillas, doces, froitos secos, froitas e hortalizas, queixos, ovos, patacas e calquera outro produto comestible. Por cada m ² ou fracción..... | 0,300506 | 90,151815 |
| 5.-Licencias para a ocupación de terreos, destinados á instalación de casetas ou | | |

cerámicas, bixutería e calquera outro
produto ou artigo non comestible. Por
cada m2 ou fracción

0,300506

90,151815

A superficie computable será a que realmente ocupe o vehículo, máis unha franxa de terreo de 1m. de anchura, paralela ó fronte da liña exterior ó mostrador ou instalación que se utilice para o uso ou servizo público

As adxudicacións faranse por tempada concreta, con expresión de data a data e se a ocupación continuará pasado o último día, liquidaranse os días de prórroga proporcionalmente ó prezo o que se adxudicara.

Os dereitos fixados na tarifa anterior, así coma o importe da adxudicación mediante subasta, enténdense pola concesión da ocupación, independentemente de que a actividade se leve a cabo ou non a cabo, polo que non poderá concederse bonificación algunha por causa de chuvias, restriccións no subministro de enerxía eléctrica ou calquera outra de forza maior.

Artigo 4º.- Normas de xestión.

1. - As cantidades esixibles con arreglo á tarifa liquidaranse por cada aproveitamento solicitado ou realizado e serán irreducibles polo período de tempo autorizado.

2.- Non se consentirá ningunha ocupación da vía pública ata que se abone e se obteña polos interesados a licenzia correspondente.

3.- As autorizacións terán carácter persoal e non poderán ser cedidas ou subarrendadas a terceiros. O incumprimento deste mandato dará lugar a anulación da licenzia, sen prexuízo das contías que corresponda aboar ós interesados.

Artigo 5º.- Obrigación de pago.

1. - A obrigación de pago da taxa regulada nesta Ordenanza nace:

a) Tratándose de concesións de novo aproveitamento da vía pública, no momento de solicitar a correspondente licenzia.

b) Tratándose de concesións de aproveitamentos xa autorizados e prorrogados, o día primeiro de cada un dos períodos naturais de tempo sinalados na tarifa.

2.- O pago deste prezo realizarase:

a) Tratándose de concesións de novo aproveitamento, por ingreso directo na Tesourería Municipal ou onde establecece o concello, pero sempre antes de retirar a correspondente licenzia.

Este ingreso terá carácter de depósito previo, de conformidade co disposto no artigo 47.1 da Lei 39/1988, de 28 de decembro, quedando elevado a definitivo ó concederse a licenzia correspondente.

b) Tratándose de concesións de aproveitamentos xa autorizados e prorrogados, unha vez incluídas nos padróns ou matrículas desta taxa, por semestres naturais, nas oficinas de Recadación Municipal, dende o día 16 do primeiro mes do semestre ata o día 15 do segundo.

Disposición Final

A presente Ordenanza entrará en vigor unha vez publicada no Boletín Oficial da Provincia, e comezará aplicarse a partir dese mesmo día permanecendo en vigor ata a súa modificación ou derogación expresa.